



Sedam lica lišeno slobode zbog međunarodne trgovine ljudima, međunarodne prostitucije i pranja novca

09.10.2024

Policijski službenici Federalne uprave policije su nakon višegodišnje istrage u saradnji s Tužilaštvom Bosne i Hercegovine realizirali operativnu akciju „Geko“ u kojoj je slobode lišeno više članova kriminalne grupe, zbog krivičnih djela međunarodne trgovine ljudima, međunarodne prostitucije i pranja novca.

Tokom protekle noći i dana, izvršen je pretres više lica i lokacija na području Sanskog Mosta, Ljubuškog i Čapljine, kojom prilikom su slobode lišena lica inicija A.Ć., A.L.Ć., A.D., J.D., D.Ž.K., I.J. i E.T. kod kojih je prilikom pretresa pronađeno i oduzeto vatreno oružje, novac, skupocjeni automobili, motocikli, skupocjeni satovi, određena dokumentacija, te drugi predmeti koji će poslužiti u istrazi.

Nakon završetka kriminalističke obrade, lica će biti predana Tužilaštvu Bosne i Hercegovine.

Prilikom dokumentovanja navedenih krivičnih djela, međunarodne kriminalne grupe, na čijem čelu se sumnja da je bio A.Ć., policijski službenici Federalne uprave policije su ostvarili međunarodnu policijsku saradnju sa istražnim organima SR Njemačke, Švicarske i Republike Hrvatske uz pomoć kojih su prikupljeni dokazi protiv navedenih lica, a na temelju kojih se sumnja da je navedena grupa organizovala međunarodnu ilegalnu prostituciju, u kojoj su organizovali veći broj djevojaka koje su pružale seksualne usluge, kako na prostoru Bosne i Hercegovine, tako i na prostoru Zapadne Evrope, od kojih su neke bile i maloljetne.

Navedena lica su novac dobijen kriminalnim radnjama, prebacivali u Bosnu i Hercegovinu kroz kupovinu skupocjenih automobila i nekretnina, te ga na taj način pokušavali ubaciti u legalne tokove. Realizacija akcije provedena je uz podršku i saradnju sa Obavještajno-sigurnosnom agencijom Bosne i Hercegovine, te kantonalnih ministarstava unutrašnjih poslova Unsko-sanskog, Zapadnohercegovačkog i Hercegovačko-neretvanskog kantona.”



ZADNJE VIJESTI

Slobode lišeno lice iz Travnika, pronađena opojna droga „Amfetamin“
Informacija za septembar 2024. godine
Bilten za dan 15/16.10.2024. godine

KALENDAR

October 2024						
M	T	W	T	F	S	S
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30	31			

« Sep